

---

## ФАРҒОНАДА ТАДБИРКОР КЎП ҚАВАТЛИ УЙЛАРНИНГ ЕРТЎЛА ҚИСМИДА МИКРООРГАНИК ЎСИМЛИКЛАР ЕТИШТИРИШНИ ЙЎЛГА ҚЎЙДИ

Бугун вилоят ҳокими Хайрулло Бозоров Фарғона шаҳридаги ўрганишлари давомида “Машъал” МФЙ ҳудудидаги кўп қаватли уйнинг ертўла қисмида ташкил этилган Микроорганик ўсимликларни етиштириш кооперацияси фаолиятини кўздан кечирди.

Эътиборлиси, 60 кв.м жойда Тоҳиржон Абдусаматов томонидан 15 та янги иш ўрни яратилган ва ишчиларга тўланган ойлик маошлардан ташқари тадбиркор ойига 500-600 доллар даромад олмоқда.

Тайёр маҳсулотлар маҳаллий кафе, ресторан, супермаркетларга, шунингдек, Тошкент шаҳри, Бухоро ва Самарқанддаги харидорларга етказиб берилмоқда.

Лойиҳа қиймати 250 млн. сўм бўлиб, шундан 150 млн. сўм тадбиркорнинг ўз маблағи, 100 млн. сўм эса имтиёзли кредит ҳисобига тўғри келади.

Ҳозирда 30 турдаги микрокўкатлар етиштирилмоқда. Уларнинг 15 турдаги уруғлари маҳаллий, қолгани Европа давлатларидан келтирилмоқда.

Тадбиркор кўмак берилса, яна 1000 та янги иш ўринлари яратишини, бунинг учун шаҳардаги бошқа кўп қаватли уйларнинг ертўла қисмидан ҳам самарали фойдаланиш ва бошқарув компанияси ташкил этиш нияти борлигини айтиб ўтди. Вилоят раҳбари тегишли мутасаддилар кўмагида яқиндан ёрдам кўрсатилишини маълум қилди ва масъулларга зарур кўрсатмалар берди.

[Бизни ижтимоий тармоқларда кузатинг Facebook, Telegram, Facebook, YouTube, Instagram](#)

2023-02-07 20:22:30